



Broj, 01-07-10-51-233/2024  
Sarajevo, 29.10.2024. godine

Na osnovu člana 25. stav (1) u vezi sa članom 26. stav (4) Zakona o slobodi pristupa informacijama na nivou institucija Bosne i Hercegovine ("Službeni glasnik BiH", br. 61/23) i člana 5. Pravilnika o postupanju po zahtjevu za pristup informacijama Visokog sudskog i tužilačkog vijeća Bosne i Hercegovine br. 08-02-3075/2010 od 2.9.2010. godine, 08-02-3645/2013 od 24.9.2013. godine, 08-02-388-1/2014 od 22.1.2014. godine i 08-07-2-3459/2021 od 29.9.2021. godine, rješavajući po zahtjevu za pristup informacijama Bojana Vukovića, [REDACTED] od 22.10.2024. godine, predsjednik Visokog sudskog i tužilačkog vijeća Bosne i Hercegovine donosi

## RJEŠENJE

**Odobrava se** zahtjev za pristup informacijama o nedostajućoj nacionalnoj strukturi kandidata za poziciju tužioca Kantonalnog tužilaštva Tuzlanskog kantona po konkursu broj: 04-07-3-1787-1/2023 od 10.5.2023. godine, a koja je predstavljala pravni osnov za ponavljanje ovog konkursa u odnosu na jednu tužilačku poziciju.

## Obrazloženje

Visoko sudsko i tužilačko vijeće Bosne i Hercegovine (u daljem tekstu: VSTV BiH/Vijeće) je 22.10.2024. godine zaprimilo zahtjev Bojana Vukovića, [REDACTED] (u daljem tekstu: podnositelj zahtjeva) za pristup informacijama u vezi sa konkursnom procedurom broj 04-07-3-1787-1/2023 od 10.5.2023. godine. Konkretno, tražen je odgovor na pitanje koje nacionalnosti nije bilo kandidata zbog koje je donesena odluka da se konkurs za jednu poziciju tužioca Kantonalnog tužilaštva Tuzlanskog kantona ponovi. Naime, podnositelj zahtjeva navodi da je, u vezi sa javnim konkursom VSTV-a BiH broj 04-07-3-1787-1/2023 od 10.05.2023. godine, Vijeće na sjednici održanoj 29. i 30. novembra 2023. godine, imajući u vidu odredbe člana 62a stav (1) tačka a) Poslovnika VSTV-a BiH („Službeni glasnik BiH“ br. 55/13, 96/13, 46/14, 61/14, 78/14, 27/15, 46/15, 93/16, 48/17, 88/17, 41/18, 64/18, 12/21, 26/21, 35/21, 68/21, 1/22 i 26/23; dalje u tekstu: Poslovnik), donijelo odluku da se konkurs za jednu poziciju tužioca Kantonalnog tužilaštva Tuzlanskog kantona ponovi iz razloga što, između najviše deset kandidata koji su ostvarili najveći broj bodova u konkursnoj proceduri, potreban za imenovanje, vodeći računa o minimalnom uspjehu u konkursnoj proceduri iz člana 59a Poslovnika, nije bilo kandidata odgovarajuće nacionalnosti. S tim u vezi, tražena je informacija koje nacionalnosti nije bilo kandidata, što je dovelo do ponavljanja konkursne procedure.

Razmatrajući predmetni zahtjev, u skladu s nadležnostima VSTV-a BiH, utvrđeno je da VSTV BiH posjeduje podatke navedene u izreci ovog rješenja, te da omogućavanje pristupa istim nije protivno odredbama Zakona o slobodi pristupa informacijama na nivou institucija Bosne i Hercegovine ("Službeni glasnik BiH" 61/23; dalje u tekstu: Zakon).

Uvidom u službenu evidenciju, utvrđeno je da je Vijeće na sjednici održanoj 29. i 30. novembra 2023. godine donijelo odluku da se ponovi konkurs za jednu poziciju tužioca Kantonalnog tužilaštva Tuzlanskog kantona, koja je oglašena konkursom broj: 04-07-3-1787-1/2023 od 10.5.2023. godine, koji je zatvoren 25.5.2023. godine, iz razloga što nije bilo kandidata odgovarajuće nacionalnosti. Dakle, u tom momentu je nedostajalo kandidata iz reda Ostalih i bošnjačkog naroda, dok e kvota nacionalne zastupljenosti kandidata iz reda srpskog i hrvatskog naroda bila popunjena, zbog čega je u vezi sa konkretnim konkursom izvršeno imenovanje na tri od četiri raspisane pozicije tužitelja ovog tužilaštva, dok je za jednu poziciju konkurs ponovljen.

Postupajući po zahtjevu podnosioca, a u skladu sa svim gore navedenim, odlučeno je kao u dispozitivu ovog rješenja.

**Pouka o pravnom lijeku:**

Protiv ovog rješenja podnositelj zahtjeva ima pravo podnijeti žalbu Žalbenom vijeću pri Vijeću ministara Bosne i Hercegovine u roku od 15 dana od dana prijema istog.

Ukoliko Žalbeno vijeće ne odluči po žalbi u roku od 30 dana od dana prijema žalbe, podnositelj žalbe ima pravo pokrenuti upravni spor pred Sudom Bosne i Hercegovine zbog šutnje administracije.



Dostavljeno:

1. Podnosiocu zahtjeva
2. Odjelu za imenovanje i napredovanje
3. U spis